

萬有文庫

第二集七百七種

王雲五主編

廣雅疏證


附博雅音

(五)

張揖撰

王念孫疏證

商務印書館發行



廣雅疏證

附博雅音

(五)

張揖撰

王念孫疏證

國學基本叢書

廣雅疏證卷七上

魏清河張揖撰

高郵王念孫疏證

釋宮

各本宮字皆譌作室案爾雅宮室雖可互訓然以其制言之則自戶牖以內乃謂之室宮爲總名室爲專稱考工記云室中度以几宮中度以尋是也名曰釋宮則內而奧安外而門闕以及寢廟臺榭之制道塗趨走之名莫不兼該若名曰釋室則不足以目一篇之事且廣雅篇名皆仍爾雅之舊不應此篇獨改爲釋室太平御覽居處部云廣雅釋宮曰館舍也今據以訂正

房廡房櫳廬庀庀庀廊館傳庵廡屋庫府廡舍也

說文而居曰舍釋名云舍於中舍息也說文房廡也周官圉師夏房馬鄭注云房廡也廡所以庇馬涼也遺人注云廬若今野候徒有房也說文廡堂下周屋也檀弓注云夏屋今之門廡也其形旁廣而卑吳子治兵篇云

冬則溫廡夏則涼廡釋名云大屋曰廡廡廡也廡覆也
 井冀人謂之房房正也屋之正大者也說文房室在旁
 也釋名云房旁也室之兩旁也櫳之言籠也說文作龔
 云房室之疏也班婕妤自悼賦云房櫳虛兮風泠泠櫳
 爲房室之疏則不得直訓爲舍矣漢書食貨志云在墜
 曰廬在邑曰里說文廬寄也春夏居秋冬去釋名云廬
 慮也取自覆慮也案覆慮猶言覆露晉語云先主覆露
 子是也露慮古同聲故釋名又云露慮也覆慮物也說
 文庀樓牆也玉篇云屯聚之處也晏子春秋諫篇云景
 公爲長康是康爲舍也康音七栗反此因康字譌作康後
 音七賜反各本皆作康音七栗反此因康字譌作康後
 人遂并改曹憲之音集韻類篇康七賜切引廣雅康舍
 也康趨王切引廣雅康舍也則宋時廣雅本已有譌作
 康者案康與下文廁字同廣韻音盧達切不音七栗切
 玉篇康干漬切下屋也廣韻七賜切偏康舍也衆經音
 義卷十五云廣雅庵舍也埤倉庵康也康音且漬反今
 據以訂正廊字通作郎逸周書作雒解云咸有四阿反
 坵重亢重郎晉灼注漢書董仲舒傳云廊堂邊廡也案
 廊者高大之稱猶高門謂之閭矣說文館客舍也釋名
 云傳傳也人所止息而去後人復來轉轉相傳無常主

也又云草圓屋曰庵庵奄也所以自覆奄也後漢書皇甫規傳親入菴廬巡視將士菴與庵同喪服四制引書高宗諒闇鄭注云闇謂廬也義亦與庵同說文屋居也又云庫兵車藏也釋名云庫舍也物所在之舍也故齊魯謂庫曰舍也說文府文書藏也鄭注論語云藏財貨曰府卷三云府聚也說文廩馬舍也釋名云廩勾也勾聚也牛馬之所聚也

堂堽壁也

壁通作殿初學記引倉頡篇云殿大堂也釋名云殿有殿鄂也堽通作皇爾雅無室曰榭郭注云榭卽今堂堽漢書胡建傳監御史與護軍諸校列坐堂皇上顏師古注云室無四壁曰皇案皇者空虛之名爾雅云隍虛也城池無水曰隍室無四壁曰皇其義一也太平御覽引廣雅作堂皇合殿也廣韻亦云堂堽合殿

反坫謂之埽

未詳

卷二云竢閣載也卷三云閣竢也史記梁孝王世家索隱引通俗文云高置立竢棚曰竢閣卷三云棚竢也說文棚棧也衆經音義卷十四引三倉云棚棧閣也又引通俗文云連閣曰棚九章算術商功章負米往來七十步其二十步上下棚除劉徽注云棚閣也除邪道也卷三云載竢也載與栽同又云磻竢也磻與棧同說文棧棚也文選謝靈運從斤竹澗越嶺溪行詩注引通俗文云版閣曰棧齊策云爲棧道木閣而迎王與后於城陽山中史記高祖紀輒燒絕棧道索隱引崔浩云險絕之處傷鑿山巖而施版梁爲閣也凡編木爲棚通謂之棧莊子馬蹄篇編之以早棧崔謨注云棧木棚也棧各本譌作踐衆經音義卷十五及太平御覽竝引廣雅棧閣也今據以訂正

簷謂之竈

玉篇引倉頡篇云楚人呼竈曰簷簷各本譌作痞集韻類篇引廣雅作簷皆玉篇廣韻所無玉篇廣韻引廣雅竝作簷今據以訂正

其脣謂之陘

月令注祀竈之禮設主于竈陘正義云逸中雷禮文又云竈陘謂竈邊承器之物以土爲之

其窻謂之埃

埃通作突呂氏春秋諭大篇云竈突決則火上焚棟

埃下謂之

謂之下各本皆脫一字今無考

甄甸窯也

衆經音義卷十四引倉頡篇云窯燒瓦竈也管子七臣七主篇云文采纂組者燔功之審也審與窯同說文甄甸也漢書董仲舒傳猶泥之在鈞唯甄者之所爲文選魏都賦注引如淳注云陶人作瓦器謂之甄甸通作陶衆經音義卷二引倉頡篇云陶作瓦家也陶與窯聲相近大雅縣篇陶復陶穴鄭箋云復者復於土上鑿地曰

穴皆如陶然
是陶卽窯也

楣檐櫺栒也

說文栒楣也士喪禮置于宇西階上鄭注云宇栒也特
牲饋食禮記饔飧在西壁注引舊說云南北直屋栒釋
名云栒旅也連旅之也或謂之櫺櫺縣也縣連櫺頭使
齊平也凡言呂者皆相連之意衆謂之旅紱衣謂之紹
脊骨謂之呂栒端櫺聯謂之栒其義一也說文楣秦名
屋櫺聯也齊謂之檐楚謂之栒釋名云楣眉也近前若
面之有眉也又云水草交曰湄湄眉也臨水如眉臨目
也湄與楣義相近楣宇皆下垂之名故在人亦有眉宇
之稱枚乘七發云陽氣見於眉宇之間是也說文檐櫺
也櫺栒也爾雅檐謂之櫺特牲饋食禮疏引孫炎注云
謂屋栒也周人謂之栒齊人謂之檐明堂位復廟重檐
鄭注云重檐重承壁材也檐者障蔽之名說見釋器幌
幘幘也下方言屋栒謂之櫺郭注云卽屋檐也
亦呼爲連縣櫺之言闌也與檻謂之櫺同義

榱桷棟椽也

說文椽榱也秦謂之榱周謂之椽齊魯謂之桷晉語云天子之室斲其椽而礪之加密石焉諸侯礪之大夫斲之士首之釋名云椽傳也相傳次而布列也爾雅桷謂之榱郭注云屋椽也襄三十一左傳云棟折榱崩釋名云榱在榱旁下列衰衰然巫也說文椽椽也楚辭九歌桂棟兮蘭椽王逸注云以木蘭爲榱也漢書張敞傳果得之殿屋重椽中椽與椽同椽者落落分布之名屋椽謂之椽猶車蓋弓謂之輶故釋名釋車篇云輶蓋又也如屋構椽也輪輻謂之輶義亦同也魯頌閟宮篇松桷有易毛傳云桷榱也春秋莊二十四年刻桓宮桷穀梁傳說天子以下桷制與晉語同說文云椽方曰桷釋名云桷确也其形細而疏确也棟之言促也說文棟短椽也徐鍇傳云今大屋重椽下四隅多爲短椽卽此也

榱棟也

繫辭傳云上棟下宇以待風雨爾雅棟謂之榱郭注云屋榱也說文棟極也榱勞也勞複屋棟也釋名云榱隱也所以隱榱也或謂之棟棟中也居屋之中也

葢謂之甑

葢或作甑。方言：甑，謂之甑。郭注云：卽屋櫨也。說文：葢，屋棟也。釋名云：屋脊曰葢。葢，蒙也。在上覆蒙屋也。襄二十八年左傳：猶援廟桷，動於葢。晉語：旣鎮其葢矣。韋昭杜預注：竝與說文同。程氏易疇通藝錄云：葢者，蒙也。凡屋通以瓦蒙之，曰葢。故其字從瓦。晉語：譬之如室，旣鎮其葢矣。又何加焉？謂蓋構旣成，鎮之爲葢，則不復有所加矣。若以葢爲屋極，則當時施榱桷覆茅瓦，安得云無所加？左傳：慶舍援廟桷而動於葢，則葢爲覆桷之瓦，可知言其多力，引一桷而屋宇爲之動也。若以葢爲屋極，則太公之廟必非容膝之廬，所援之桷必爲當檐之題。題之去極甚遠，安得援題而動於極也？天子廟制，南北七筵，諸侯降殺以兩，則五筵也。陂陀下注，又加長焉。極之去檐幾三丈矣。況題接於交交，至於極亦必非一木，何能遠動之乎？案易疇謂以瓦覆屋，曰葢。與內外傳皆合。確不可易。甑之言雷，也。說文：雷，屋水也。說文：雷，屋水也。流也。葢爲雷所從出，故又謂之甑矣。

構謂之枅

爾雅開謂之族郭注云柱上構也亦名枅又曰楷文選
魏都賦注引說文云構櫨柱上枅也淮南子本經訓云
櫨林構櫨以相支持漢書王莽傳作薄櫨明堂位注作
構盧竝字異而義同說文枅屋櫨也文選魯靈光殿賦
注引倉頡篇云枅柱上方木也莊子齊物論篇似枅梁
簡文帝注云枅構櫨也淮南子主術訓云脩者以爲櫨
榱短者以爲
朱儒枅櫨

曲枅謂之樂

王延壽魯靈光殿賦云曲枅要紹而環句釋名云樂攣
也其體上曲攣拳然也張衡西京賦結重樂以相承
綜注云樂柱上曲木兩頭受櫨者何
晏景福殿賦云樂枅天矯而交結

格謂之桼

格字或作桼又作節說文格構櫨也爾雅桼謂之桼郭
注云卽櫨也釋文桼舊本及論語禮記皆作節明堂位
山節藻梲鄭注云山節刻構櫨爲山也逸周書作雒解
復格藻梲孔晁注云復格累芝桼也魯靈光殿賦芝桼

攢羅以戢香張載注云芝栴柱上節方小木爲之長三尺今本逸周書栴字譌作格格栴一聲之轉爾雅屋上薄謂之栴注云屋栴也屋上薄謂之栴猶柱上構謂之栴矣

楹謂之柱

釋名云楹亭也亭亭然孤立旁無所依也

礎 碣 礎 礎也

太平御覽引說文云礎柱下石也古曰木今曰石礎之言質也鄭注曲禮云質猶本也碣在柱下如木之有本故曰礎字通作質墨子備城門篇云兩柱同質韓非子十過篇云公宮令舍之堂皆以鍊銅爲柱質書大傳大夫士有石材庶人有石承鄭注云石材柱下質也石承當柱下而已不外出爲飾礎之言苴也苴藉也所以藉柱也淮南子說林訓山雲蒸柱礎潤衆經音義卷十八引許慎注云楚人謂柱碣曰礎碣之言藉也履謂之易義與此同也張衡西京賦云雕楹玉碣字通作易墨子備城門篇云柱下傳易各本皆脫碣字文選西京賦景

福殿賦注竝引廣雅碣磧也集韻類篇竝引廣雅礎磧
碣磧也今據補碣之言鎮壓也班固西都賦雕玉瑱以
居楹瑱與碣通

窓牖闕也

說文在牆曰牖在屋曰窓古文作四或作窗又云窓通
孔也釋名云窓聰也於內窺外爲之聰明也聰與窓古
同聲而通用大戴禮盛德篇云明堂凡九室一室而有
四戸八聰說文牖穿壁曰木爲交窓也牖者開道之名
大雅版篇天之牖民毛傳云牖道也闕本作向通作鄉
幽風七月篇塞向墜戸傳云向向北出牖也說文同明堂
位刮楹達鄉鄭注云鄉牖屬謂夾戸窓也

丰梯階也

梯之言次第也
說文梯木階也

坻除也

說文除殿陛也漢書王莽傳莽自前殿南下椒除顏師古注云除殿陛之道也除之言敘也階級有次敘也說文墀涂地也禮天子赤墀漢書梅福傳涉赤墀之塗應劭注云以丹漆泥塗殿上也墀與坻通

窳窳究窳窟也

說文北方謂地空因曰爲土穴爲窳戶釋言云窳窳也玉篇窳兔窟也窳之言複也說文窳地室也引大雅縣篇陶窳陶穴今本作復鄭箋云復者復於土上鑿地曰穴皆如陶然月令注作複竝字異而義同

京庾廩廩廩廩困倉也

說文倉穀臧也倉黃取而臧之故謂之倉蔡邕月令章句云穀藏曰倉米藏曰廩釋名云倉藏也藏穀物也說文園謂之困方謂之京管子輕重丁篇云有新成困京者二家史記倉公傳見建家京下方石徐廣音義云京者倉廩之屬釋邱云四隤曰陵四起曰京義與方倉謂之京同也說文庾水漕倉也一曰倉無屋者小雅楚茨篇我庾維億毛傳云露積曰庾周語云野有庾積應劭注漢書文帝紀引胡廣漢官解詁云在邑曰倉在野曰

庾是倉無屋謂之庾也魏策云粟糧漕庾不下十萬是水漕倉謂之庾也釋名云庾裕也言盈裕也案庾之言亦聚也聚者積也漢書食貨志以防貴庾者顏師古注云庾積也以防民積物待賈是庾爲積物之通稱也廩之言斂也說文尙穀所振入宗廟粢盛倉黃尙而取之故謂之尙或作廩中庸通作稟桓十四年穀梁傳云御廩者何粢盛委之所藏也鹿通作鹿吳語困鹿空虛韋昭注云員曰困方曰鹿廣韻引賈逵注云鹿庾也說文廩芻橐之臧也管子度地篇云虛牢獄實倉廩廩之言會也漢書天文志胃爲天倉其南衆星曰廩積如涓注云芻橐積爲廩爾雅廩廩也孫炎注云廩藏穀鮮絜也魏風伐檀篇胡取禾三百困兮毛傳云圓者爲困困圓聲相近

州郡縣府廷寺學校庠序辟廱類宮瞽宗東膠官也

皆謂官舍也釋名云州注也郡國所注仰也縣懸也懸係於郡也郡羣也人所羣聚也餘見卷四州郡縣國也下周官大宰以八灋治官府鄭注云百官所居曰府卷三云府聚也各本府字在縣字上蓋後人誤以府爲府

縣之府故移置於縣字之上今訂正說文廷朝中也後漢書郭太傳注引風俗通義云廷正也縣廷郡廷朝廷皆取平均正直也說文寺廷也衆經義卷十四引三倉云寺官舍也管子度地篇云官府寺舍寺之言止也後漢書光武帝紀注引風俗通義云諸官府所止皆曰寺大戴禮保傅篇云學者所學之官也學記云古之教者家有塾黨有庠術有序國有學孟子滕文公篇云設爲庠序學校以教之庠者養也校者教也序者射也夏曰庠殷曰序周曰庠學則三代共之明堂位云米廩有虞氏之庠也序夏后氏之序也瞽宗殷學也類宮周學也內則云有虞氏養國老于上庠養庶老于下庠夏后氏養國老于東序養庶老于西序殷人養國老于下庠夏后氏庶老于左學周人養國老于東膠養庶老于虞庠虞庠在國之西郊王制云小學在公宮南之左大學在郊天子曰辟廱諸侯曰類宮大雅靈臺篇於樂辟廱毛傳云水旋邱如壁曰辟廱以節觀者魯頌泮水篇旣作泮宮鄭箋云泮之言半也蓋東西門以南通水北無也泮與類通周官大司樂凡有道者有德者外則以爲樂祖祭于瞽宗鄭衆注云瞽樂人樂人所共宗也